

feste forono imbasadori del re d'Aragona, i mei signori, quelli de Fiorenza, del marchese di Ferrara, de' Senesi, de Monferà, de Luchesi, et molte altre terre de la Chiexia. A dì 19 de questo fo coronato l'imperador de la corona d'oro, con tutte altre cerimonie s'apartien. Et prima davanti le scale de San Piero fo fato uno soler, sopra el qual era uno trono su el qual sedeva el papa, et intorno stevano i cardinali. L'imperador venne con la sua zente acompagnato di ambasciatori sopraditi et solo montò su el ditto soler, et basò i piedi del papa, et zurò di mantegnir la Chiesa con molte altre parole. Da poi se partì el papa et i cardinali in processione con la roxa in mano etc. andosene in choro, et li se aparò da messa. L'Imperador fo poi acompagnato da 4 cardinali, zoè el vice cancelier, quel de Rossia, quel de San Sisto et el patriarca. Et avanti lui intrasse in chiesa, lor fese l'imperador canonico di S. Pietro et messoli una beretuzza paonaza da prete in testa, et toseli la vesta di dosso che era di zentanin alexandrin et quella apartien al patriarca, et in cambio di quella li messe la chota indosso et la zafarda intorno le galte, et lesse alcune oration et spoiolo. Da poi messo uno camixo indosso et vesta da epistola et da vanzelio et pivial sopra, et le calze et scarpe pontifical, et menolo a la porta de la chiesa
 421* con certi canti. Da poi intrato ne la chiesa fesseno el simel, et poi avanti l'altar di San Piero, et menolo avanti l'altar de San Maurizio, et li cantarono le letanie, digando: *Sancte Petre adjuva ipsum* et cussi tutto el resto de le letanie. Poi el vize cancelier ge onse le spale et el brazo destro de cresma et menolo in choro dal papa, et andorono per la imperadrize et menola al ditto altar de S. Maurizio et onseli con la ditta cresma la gola et il brazo destro, et condussela apresso l'imperador; et si andò tutti doi a li piedi del Santo Padre. Lui benedì et mandoli su el so soler che lo havea fatto far a banda sinistra del choro. Et dismontò il papa da la sua sedia insieme con l'imperador, et vene avanti a l'altar de S. Piero a far la confession et poi mandò l'imperador su el suo soler da la banda destra a l'intrar del choro. Quando fu cantata la epistola el papa vene a la sua sedia avanti l'altar; chiamò lo imperador et deli la spada nuda in mano, et da poi la remise in vaina. El papa proprio si la zense attorno et fezela cavar fuora et bandarla tre volte, et dezensela et dela al suo marascalco in man, et inzenochiosse el papa el rimesse il pivial indosso, et da poi lesse alcune oration et si messe la corona in testa. Da poi li dè'l pomo in una man, el sceptro in

l'altra. Quelli quattro cardinali el tolse et menolo davanti uno crocifixo et li fo cantato alcuni salmi. Et in sto mezo fo menato l'imperadrize avanti el Santo Padre et si la incoronò et mandola al suo soler; et tolse l'imperador apresso et menolo suso el suo trono, et li l'imperador a banda destra ge havea un altro, et siando stato li uno poco tornò al suo soler. El cardinal di Santo Anzolo cantò el vanzelio. L'imperador si feva cavar la corona a l'evanzelio, et simel da poi ditto il *Credo* l'imperador vene dal papa senza pivial et senza corona, et basò i piedi al papa et offerì do pezi d'oro di valuta di ducati 100; et poi vene l'imperadrize il simile. Lei tornò al suo luogo, l'imperador acompagnò il papa a l'altar et stete con lui a servir a l'altar. Infine ditto *Agnus Dei*, et poi il papa montò al suo trono et comunicò color che havea cantato la epistola et lo evanzelio, et fesse chiamar l'imperador et l'imperadrize, et con sua mano partì una hostia in do
 422 parte et comunicò lor do et basò l'imperador per la boca et l'imperadrize la mano, et mandò l'imperador et la donna a l'altar a tuor el sangue, et poi andò ai suoi luochi. El papa vene a l'altar et compì la messa; et fenita, l'imperadrize incoronata, con una investura de campo d'oro con do passa di coda, andò a caxa. El papa et l'imperador se ne andò a le scale di San Piero acompagnato da tutti i cardinali, vescovi et prothonotari. Et l'imperador tene la staffa al papa tanto ch'el montò a cavallo, et menoli el cavalo per la brena quatro o cinque passa. Poi lui montò a cavallo incoronato et aparato, et tutti do a parì cavalecorono fino al ponte di Tevere. El papa portava la roxa in mano; il marascalco del papa portava la spada de l'imperador; il duca di Lucha il pomo; il conte Stefano da Segna il sceptro; il conte di Mentiborgo il stendardo. Al ditto ponte il papa basò l'imperador et donoli la roxa, et tornò al suo palazzo a San Piero. L'imperador stete lì et feze 260 cavalieri, et poi andò a disnar a San Zuane Lateran. A una hora di notte tornò a caxa.

Magnifico et patron mio sempre osservan-
 423*) dissimo (2).

Perchè ne le prime mie, scritte a vostra magnificentia, ho promesso a quella de darli notitia del successo et triumpho a la incoronation de Carolo imperator, pertanto adunque sapereti come hanno fato uno alto palcho dal palazzo a Santo Petronio, et da

(1) La carta 376* è bianca

(2) Lettera inserta in originale,